

Ngā Hui Para Kore

He Puka Āwhina kia Tutuki ai te Kaupapa

He aha koe i whai mai ai i te hui para kore?

- He whāinga nō te Kaunihera o Tāmaki-makau-rau kia Kore Para ai te tāone ā te tau 2040
- He pai ake mō te taiao kia iti iho te para e tukuna ana ki te ruapara
- Mā te whakamimiti i te para e pai ake ai te āhua me te wairua o tō hui
- He mea hei whakaatu atu i ngā mātāpono o tō rōpū ki te tūmatanui
- He mea whakareka i tō hui ki te hunga tautoko ā-monī me te hunga e tae ā-tinana atu hoki
- He mea whakapiki i te wairua o tō rōpū whakahaere
- He wāhi pai ngā hui ki te whakaako i ngā āhuatanga o te para kore ki te tūmatanui.

He aha te Hui Para Kore?

- Ko te Hui Para Kore he hui e āta whakaarohipa ana ngā mea e whakamahia ana i te hui me te wāhi e tae atu ai te para [i te otinga o te hui](#)
- Ko te whāinga mō te para e hua mai i te hui - kia tukuna kia hangaruatia, kia tukuna kia whakawairākauhia, kia korekau te para rānei
- Ko te ū ki te kaupapa para kore ko te whakarite i te hui kia iti ake te para e hua mai, kia tika hoki/rānei te momo para e hua mai
- He kaaupapa hoki tēnei Hei whakamōhio atu ki ngā tāngata e tae mai ana, ngā āhuatanga o te whakaiti i te para

Te Mahere Hui

Wāhanga 1 - Te Whakarautaki i te Hui, kimihiā ngā māngai para kore, whakatauhia ngā whāinga para kore, whakaritehia he tahua pūtea mō te whakakore para, ā, tonoa te pūtea [tautoko i a mātou](#)

Wāhanga 2 - Whakaotia tō Mahere[Whakamimiti Para](#) (toru ki te ono marama i mua i tō hui)

Wāhanga 3 - Kia rite mai he [tahua pūtea whakamimiti para](#)

Wāhanga 4 - Toro atu ki te [mātanga para kore](#)

Wāhanga 5 - Toro atu ki [ngā kaihoko](#)

Wāhanga 6 - Toro atu ki [tehunga kohi para](#)

Wāhanga 7 - Whakatairangahia tō hui

Wāhanga 8 - Toro atu ki [te hunga āwhina kore-utu](#) me ngā kaitiaki ipu para

Wāhanga 9 - Kimihia ngā whakaaro o te hunga i tae ā-tinana atu ki te hui, ā, kia kaua e wareware [ki te kohi i ngā tatauranga mō te whakamimiti para](#)

Wāhanga 10 - Me whakanui i te tutukinga o te kaupapa, ā, whakairia ngā kōrero hei pānuitanga mā te katoa

E whā ngā wāhanga

1 - Kia iti ake te para e tae mai ana

Kia āta whakaarohia ngā huarahi e tae mai ai te para ki te hui. Hei tauira, he nui te para ka hua mai i te kai me te inu. Hei aha pea ngā kapu, pereti, taputapu kai porowhiu, me hoatu kē i ngā taputapu kai tukurua, me akiaki rānei i ngā tāngata ki te hari mai i ā rātou ake taputapu kai.

Mēnā e whakahaere ana koe i te hui nui e whai kaihoko ana, me tuhi i tāu e hiahia ki te kirimana kaihoko mō te tākai kai me te tuku para.



2 - Kia tika ngā momo ipu para

Kei te maha o ngā tāngata e mōhio ai te maha o ngā ipu para e hiahiatia ana.

Whakataupunitia ngā ipu para kia ngāwari mā te tangata te whiu i te para ki te wāhi tika. Mēnā kei te hiahia koe kia kore rawa atu te para e tukuna ai ki te ruapara, hei aha pea te ipu para mō te ruapara.

Hui Taumata Paratinamu - [Tukurua](#), pararopi (kai noa iho)

Hui Taumata Kōura - Hangarua me te pararopi, ipu wairākau noa iho rānei

Hui Taumata Hiriwa - Rāpihi, Hangarua, ipu wairākau hoki

Hui Taumata Parāhi - Rāpihi me te Hangarua



Kupu āwhina: *Me maha ngā ipu para, me nui ngā ipu para, ā, me waiho ki ngā wāhi tika, ngā wāhi e kai ana te tangata.*

He mate nui āpōpō ki te pūrena ngā ipu para.

3 - Whakamōhio atu ki te ao

Kia kaua e tōmuri te whakamōhio atu ki te tūmatanui

Whakatairangahia tō hui hei 'Hui Para Kore'. I ngā marama me ngā wiki i mua i te hui, me tuku kōrero ki ngā tāngata ki te hari mai i ā rātou ake taputapu, pēnei i te pātara wai me ngā kapu tukurua mō te kawhe.

Hangaia ngā tohu kia ngāwari ai te kite

Ko te painga atu - kia miramira, kia mārama hoki ngā tohu, kia ngāwari ake te kite i ngā taupuni ipu para. Kei ngā mea o roto i te para me te momo whakawairākautanga - ā-kāinga, ā-pakihi rānei - e mōhio ai mēnā e whakaetia ana ki ngā ipu para wairākau.

Ngā taupuni ipu para mō ngā kaimahi

Ka rangirua ētahi tāngata ki ngā momo para e taea te hangarua, e taea te whakawairākau hoki. Ko te rautaki tino pai kia kore ai te tangata e tuku i te para ki te ipu para hē - ko te kaimahi e tū tata ana ki ngā para hei whakamōhio atu ki hea tukuna ai.



4 - Kohia ngā tatauranga para me ngā whakaaro o te hunga i tae ā-tinana atu

Kimihia ngā kōrero o te hunga i tae ā-tinana atu me ngā kaihoko - he aha ngā wāhanga i tutuki pai, he aha ngā wāhanga kāore i tutuki - mā reira e pai ake ai ngā hui o āpōpō. Mēnā ka taea, kohia/tohaina ngā tatauranga mō te rahi o te para kāore i tukuna ki te ruapara. Ko wai rā ka ohooho i ō mahi!

Ngā momo rauemi e kitea i ngā Hui Para Kore pae tukutuku:

- [Taputapu taupua kore utu / ratonga kohi para / tākai](#)
- [Ngā mahi rangahau mō ngā kaupapa para kore](#)
- [Pūtea tautoko i te kaupapa para kore - he \\$200 te pūtea e taea te tono](#)
- [Ngā mātanga hui para kore / he kōrero āwhina kore utu](#)



Me toro atu ki [The Compost Collective](#) mō ngā kupu āwhina me ngā akoranga mō te para wairākau.

Me toro atu ki [ShareWaste](#) ki te kimi i ngā tāngata e whai atu ana i tēnei kaupapa ki tō hapori.

Rārangi mahi mō ngā kaitiaki taupuni ipu para

1. Tuhia te rārangi kamupene kohi para mō ia wāhanga, kia mōhio ai rātou te wāhi whakamutunga e tau ai te para
2. Me whakamōhio atu i ngā taputapu motuhake mō tō hui, me te wāhi hei tuku atu (hei tauira, ngā pereti)
3. Kia kaua e roa rawa te tangata ki te wāhi kotahi (kia kaua e nui atu i te whā hāora ki te taupuni ipu para)
4. Whakamāramahia te rerekētanga o ngā tākai pōpopo me ngā tākai e taea ai te whakawairākau
5. Whakamāramahia te rerekētanga o ngā momo kirihou me ngā momo e whakaaetia ki ngā ipu para hangarua
6. Whakamōhio atu ki a rātou he aha te āhua o te ipu kua tāhawahawangia
7. Kia rite te Mahere Marutau
8. Whakaritehia ngā kākahu PPE (karapu, taputapu tīpako, maro etc)

Rārangi Mahi mō ngā Kaihoko

1. Me whakamārama atu i ngā mea tākai tika hei whakamahi mā rātou
2. Me mōhio i te rerekētanga o ngā para e taea te whakawairākau ki te kāinga me ngā para hei whakawairākau mā te pakihī
3. Ngā mea tukurau - he kōrero tūturu

Kia tuihono atu ki te Zero Waste Movement ki Tāmaki-makau-rau

1. Getting to Zero
2. EcoMatters